

四庫全書

子部

欽定四庫全書考證

子部

卷五

十三

纂修官候補司業

臣王太岳

臣曹錫寶

謄錄拔貢生

臣劉衡詔

欽定四庫全書考證

卷五十三

子部

蘆浦筆記

野客叢書

坦齋通編

穎川語小

賓退錄

困學記聞

正楊

徐氏筆精

名義攷

義府

潛丘劄記

湛園札記

義門讀書記

論衡

東原錄

王氏談錄

仇池筆記

東坡志林

珩璜新論

楊公筆錄

呂氏雜記

冷齋夜話

曲洧舊聞

嬾真子

石林燕語

避暑錄話

却掃編

蘆蒲筆記

宋劉昌詩撰

卷一

洪範七稽疑條卜五占之用謂雨霽霽圉克也 原本
霽圉訛圉霧据尚書注疏改

卷三

潛火條王夷詩燿 原本脫王字据左傳增

糊名條乃令試日皆糊其名 原本皆訛白据唐書改
卷四

周府君條最後方辨其名憬 原本憬訛璟据集古錄

改

卷七

司馬相如條上讀子虛賦而善之 原本善訛喜据史

記改

蒙恬條此其中不能無絕地脉哉 原本脫絕字据史

記增

仙卜條政和中有觀妙明真洞微先生王老志 原本

志訛至据宋史改

卷八

至和拜相制條劉沆雅性內融 原本沆訛沆据宋史
改

資政壯節王公家傳 原本壯訛莊据宋史改

白玉樓賦介乎台衡之北傳後世以誇雄 原本衡訛
州今改

野客叢書

宋王慤撰

卷一

班史畧於節義條高祖令諸故項籍臣名籍 原本令
上衍悉字又脫故項二字並据漢書刪增

卷三

婦人封命條朗陵公何曾 原本朗訛郎据晉書改

卷五

顏駟條見一老郎鬢眉皓白 原本眉訛著今改
朔浞待退之條李翱從僕學文頗有所得明知其師退

之也 原本師訛即今改

卷六

來南協聲條無說詩匡鼎來 原本說訛學据漢書改

卷七

五技之鼠條能走不能先人 原本先訛免据說文改

卷八

種田養蠶條鄉貢八蠶之綿 原本綿訛繭据文選改

卷十

石凍春條青旗沽酒趁梨花 原本趁訛聽据白居易

集改

卷十二

開八表條時俗謂七十以上為開第八表 原本為開
二字互倒据白居易集改

灰釘條代王元茂檄 原本代訛伐據李商隱集及文
苑英華改

卷十五

古人名字條叔齊名允字公信 原本允訛允据論語
注疏改

卷十六

亭長條以亭長啓閉傳禁約 原本開訛開据唐書改

卷十九

杜詩合古意條巡簷索共梅花笑 原本索共訛但索

据杜甫集改

卷二十

參軍簿尉條始與筆楚辭 原本與訛免据杜甫集改

卷二十五

續釋常談條存年老口臭 原本存訛協据漢官儀

改

卷二十七

退之淮西碑條負以靈鼇蟠以螭 原本蟠訛戴据義

山集改

卷二十八

名與本傳不同條海錄碎事 原本錄訛陸今改

卷三十

健兒跋扈條馮衍顯志賦 原本脫顯字据後漢書增

坦齋通編

不著撰人名氏

蔡君謨荔枝譜紅鹽者以鹽梅浸佛桑花為紅漿投荔枝漬之 按紅鹽之鹽讀去聲此所引訛又梅下脫

醢字

王仲舒為江西觀察有興浮屠祠屋者悉驅出境 原本脫浮字今增

潁川語小 宋陳叔方撰

卷上

都曹乃刑部都官古之司隸校尉今稱都司為都曹非也案通典刑部都官郎中一人下云漢司隸校尉屬官有都官從事掌中都官不法事是都官乃司隸校尉之屬官非即司隸也疑原本或脫屬官二字又檢正諸房文字乃中書門下省非尚書省謂檢正為都司之長誤矣案宋史職官志中書省檢正官五房各一掌糾正省務至門下省不聞有檢正也惟建炎

中詔減尚書省左右司郎官二員置中書門下檢正諸房公事二員次年復舊是中書門下檢正官第一時之制不可援以為例此似未核

本朝奏事時雖宦者亦遠避而杜詩云朱衣只在殿中間不知所指朱衣為何官今考朱衣者乃臺省引班之小吏耳案杜詩朱衣當指侍臣之賜緋者此以宋制朱衣吏言之所說殊誤不知朱衣導引之吏無由得至殿上也

今省部曰帖皆公移也惟帖俗以子稱案沈括夢溪

筆談唐中書指揮事謂之堂帖子曾見唐人堂帖宰相簽押格如今之堂劄子也据此則帖子之名自唐已然此未詳考

丈人蓋父行也古詩云三日斷五匹丈人故嫌遲案玉臺新詠載焦仲卿妻詩作丈人故嫌遲郭茂倩樂府詩集左克明古樂府並同此作丈人未詳何据或宋本如是也

卷下

賀正旦用履端二字意謂歲首也而不思乃是閏月事

案杜預左氏傳注曰步厯之始以為術之端首孔
穎達疏曰厯之上元必以日月全數為始於前更無
餘分以此日為術之端首故言履端於始也史記厯
書註引韋昭曰謂正厯必先稱端始也若十一月朔
旦冬至也皆指冬至而言此云是閏月事恐緣經文
閏三月之文而誤會耳

只字見毛詩他無所出 案只字自毛詩之外又見楚
辭大招此云他無所出非也

邵氏聞見錄有叵羅不知何物 案叵羅酒器也見北

史祖珽傳又李白詩岑參詩此似未考

腰帶下垂義取於順唐制謂之鉞尾從金從宅小說云黃幡綽以伶官無魚袋挿獼尾於腰謂明皇曰賜緋毛魚袋或者不知鉞尾所出遂指為獼尾非也 案

唐書車服志腰帶者搢垂頭以下名曰鉞尾取順下之義又考王建詩新衫一樣殿頭黃銀帶排方撻尾長中華古今注文武品階腰帶蓋古革帶六品以下用銀為鈎向下挿垂頭而取順合呼撻尾塵史腰帶唐高祖令下挿垂頭今謂之撻尾是鉞尾本有稱撻尾者

後人呼為獼尾或緣捷音之誤未必緣黃幡綽語也
草泥行郭索雲木叫鈎輶乃用本草語 案郭索見楊

子鈎輶見李羣玉詩此云本草殊誤

嶺南七十二子范石湖桂海虞衡志嘗取之皆獐狙之
所甘強名曰果如古買鼠粘毛韶火炭斤斗乃諸子
中稍可名者 案桂海虞衡志志果云世傳南果以
子名者百二十半是山野間草木實獐狙之所甘人
強名以果故余不能盡識錄其可食者五十五種今
云七十二子與原書之數不符且志中止載有粘韶

火炭而古買鼠毛斤斗諸名無之古買疑即古米之
誤韶子即志所云山韶子藤韶子之類餘皆未詳疑
叔方所據本或與今不同也

賓退錄

宋趙與峕撰

卷一

王建條理盡昨來新上曲 原本來訛夜据全唐詩改
熙寧間賜岐王顥嘉王顥玉帶各一 原本岐訛政据
宋史改

卷三

漢昭帝條慕容根

原本容訛輿据北史改

卷五

戰國策條秦遷西周公子于愚孤

原本愚訛惠据史記

改

卷六

路德延條摧壓似餓鷲 原本摧訛飽据宋詩紀事改

卷七

今道家設醮條單孤之山 原本單訛軍据山海經改

卷八

州縣城隍廟條見城隍神自言晉桓彝也 原本桓訛

旦据太平廣記改

卷九

葛常之條圓壁庚庚有橫理 原本橫訛口据黃山谷

集改

卷十

崇仁吳德遠條雲烟湖寺家家鏡燈火沙河夜夜春

原本鏡訛境火訛少並据東坡集改

困學紀聞

宋王應麟撰

卷一

易下陽舉而號亡 按下公羊穀梁春秋並作夏此從左傳

井之九三荆公解云求王明孔子所謂異乎人之求也君子之于君也以不求求之其于民也以不取取之其於天也以不禱禱之其于命也以不知知之井之道無求也以不求求之而已文意精妙諸儒所不及按此條全祖望經史問答以為乃荆公一生心法

作用經義之最乖舛者也

王象喻氏云小人道消非消小人也化小人為君子也
按此條全氏謂然則君子道消是化君子為小人
也不如舊說為妥

小畜下體乾 刊本下訛土据周易改

易緯乾鑿度以八卦之畫為古文天地風山水火雷澤
字 刊本水訛坎今改

蓋為聞杜鵑聲也 刊本聲訛發据何焯校本改

卷二

書不如仁人注紂至親雖多不如周家之少仁人按
少今本論語注作多此與宋本同

君陳蓋周公之子伯禽弟按坡公以為如君奭君牙
類難確證為周公之子

卷三

詩凡雅二十六篇其八篇可歌按其大戴禮作共
命號公率六師伐太原之戎刊本之訛而据後漢書
及竹書紀年改

卷四

說文澼水出琅邪箕屋山東入海徐州浸夏書澼淄其道鄭讀非也 按箕縣之澼于禹時屬青州於周時當屬幽州職方幽州其澤藪曰獫養其川河涉其浸舊時可以互證師古以當兗州之維誤也至職方無徐州檢逸周書亦然說文云徐州浸亦誤

卷五

漢始亦以驚蟄為正月中雨水為二月節 刊本脫亦字据月令注增

武公非始封之君 刊本公訛宮据何焯校本改

能辨之然後能繼志 按之何焯校本作志

公符篇載孝昭冠辭 按公符當作公冠此承坊本大戴禮之訛

卷六

春秋通鑑謂王霸無異道 刊本王訛五据何焯校本改

景王之尹氏又世太師之惡而私立子朝 刊本朝訛廟据春秋改

蓋虎牢之險天下之樞也在號曰制在鄭曰虎牢 按

隱元年制已屬鄭莊二十年王與鄭田自虎牢以東則制與虎牢非一地

卷九

天道六十分為一刻一時有八刻 刊本六十二字互倒据五代會要改

卷十

地理仲尼讀春秋老聃踞竈觚而聽 按朱彛尊經義考引此條聽下有之字又有曰是何書也曰春秋也八字

卷十一

考史宰予與田常作亂龜山楊氏曰田常為亂於齊齊君蓋弗勝也宰予附田常則誰得而殺之使其為齊君而死則予何罪焉當是時有闕止字子我死于田常之亂是必傳之者誤而為宰我也 按呂氏春秋

審分覽史記李斯傳說范指武篇所載宰我自為簡公死非為陳恒死其盡忠視子路為優自史記仲尼弟子傳家語弟子解誤以為陳恒之黨異說始滋司馬貞覺其失以為左傳闕止之論不知左傳及史記

齊太公世家言田闕相攻于闕止無恥辭則闕止或
即為宰我亦未可知田敬仲世家分為二人仍當以
齊太公世家為正也洪邁又據孟子賢于堯舜等語
斷為夫子歿後所談以明宰我不死陳恒之難不知
有若明言丘垤不諱其師之名則三賢論夫子時夫
子尚在亦不足以為宰我辨總由論宰我者不善讀
左傳史記又不參考呂覽說苑故諸說紛然迄無定
準特表出之以見聖門高弟皆忠臣義士必無失身
于黨惡者

卷十二

嚴延年劾奏霍光擅廢立無人臣禮不道奏雖寢朝廷
肅焉呂成公曰大哉延年之奏也自夷齊之後一人
而已沙隨程氏謂延年女羅紉為昌邑王賀妻生子
女持轡惟漢人風俗之厚故不以為嫌 按是時有
二延年此延年字長卿為執金吾見漢書百官公卿
表其劾霍光之延年字次卿為侍御史見漢書列傳
此合為一誤

卷二十

雜識石尤風李義山詩作石郵 按尤郵二字本通

正楊

明陳耀文撰

卷一

晉侯使鞏朔獻齊捷于周 原本捷訛侯据左傳改

卷二

思乙乙其若抽 原本若訛不据文選改

卷三

詔冊夫人為高涼郡太夫人 刊本詔訛語今改

徐氏筆精

明徐煥撰

卷四

吳草廬詩道眼只將平等視玉環飛燕總天容 原本
天容訛芙蓉据吳澄集改

卷七

白帝非叛條述與光武猶項羽之與高祖也 原本脫
下與字今增

名義考

明周祈撰

卷一

北辰北斗條春秋運斗樞

原本運訛建今改

卷十二

輜重條後漢書輿服志

原本脫漢書二字今增

義府 歙縣黃生撰

卷上

鞞鞞條掌外國之樂與其聲歌注西方曰侏離 原本
脫離字据周禮注疏增

勃鞞條將軍文子名木檀弓作彌牟 原本牟訛年据
檀弓改

衣裘異色條五音均一不能諧于耳 原本諧訛偕今
改

卷下

名平條考後漢郡國志 原本脫漢字今增

生平毀程不識條乃罵臨汝侯曰生平毀程不識不值

一錢 原本臨汝侯三字訛作賢字据漢書改

潛丘劄記

山陽閭若璩撰

卷一

癸辛雜識管寧初無白帽事獨杜佑通典帽門載管寧
在家常著帛帽豈以帛為白乎案杜佑通典並無
帽門即嘉禮中載冠禮章服禮亦無此二語考三國
志管寧傳帛作皂訛謬顯然但此條具癸辛雜志前
集中姑仍其舊

朱錫鬯與顧寧人書條寒芳苓之巢龜原本寒訛寧
据文選改

卷二

羊流店條詔以泰山之南武陽牟南城梁父平陽五縣
置南城郡 原本父訛武据晉書改

郡國志條在秦為三川郡治滎陽縣故李由三川守
原本三俱訛山据漢書地理志注及史記改

卷三

通鑑元狩元年條遣耿夔任尚破北單于於金微山出
塞五千餘里而還 原本脫里字今增

卷五

武王伐紂條宋公將戰原本脫將字 又如祝鮀所謂
分康叔以殷民七族原本脫七字並据左傳增

古所謂山東者條劉敞說高帝都關中 原本脫都字
据史記增

卷六

與戴唐器書弟雖老猶當炳燭以行耳原本炳訛秉按
說苑老而好學如炳燭之明今据改 又李邕撰張
長史碑原文脫邕字据文苑英華增

湛園札記

翰林院編修姜宸英撰

卷一

周王畿內公邑之地條其大夫如縣正 原文正訛長
据周禮注疏改

李士謙條李謐弟子士謙 原本復衍弟字据北史刪
王摩詰遊感化寺條若用禮記鹿女舛 原本禮記訛
周禮今改

卷二

天子之縣內條天子所居州界名也 原本界訛畧据

禮記注改

內則姑舅條齊人以相絞訐為掉磬 原本齊訛商相
訛先並据禮記疏改

小子掌祭祀條先鄭謂羊肆體薦全烝非是 原本羊
肆訛肆解烝訛牲並据周禮注改

卷三

聘禮 原本禮訛義据儀禮改

昭二十五年條宋公享昭子賦新宮 原本公訛人据

左傳改

卷四

唐棣條今宮園種之 原本宮訛宅据爾雅疏改

宋書禮志條是又用八月十四日也 原本八訛七据

野客叢書改

公羊穀梁條穀梁子名淑 按淑通考作倣

東坡曰司空表聖條然後知此詩之工也 原本後訛

未工訛玉並据漁隱叢話改

義門讀書記

翰林院侍讀學士何焯撰

卷十七

前漢書枚乘復說吳王 刊本王訛生今改

卷二十一

後漢書擢遷河南尹時既以賄賂為官 刊本河南二

字訛倒据後漢書改

卷五十一

杜工部集立國自有疆 刊本立訛列今改

論衡

漢王充撰

卷三

骨相篇高祖為泗上亭長當去歸之田按當去史記作
嘗告又衛青父鄭季與信陽公主家僮衛媼通按
信史記作平

初稟篇乃眷西顧此惟予度按度毛詩作宅又光祿
大夫劉琨前為弘農太守虎渡河光武皇帝曰偶適
自然非或使之也按琨後漢書作昆又偶然之語係
昆所對此作光武語與漢書異

本性篇微子曰我舊云孩子 按孩今本尚書作刻

卷五

異虛篇師己採文成之世童謠之語 按成左傳作武
史記亦作成注云魯文公成公

感虛篇瓠芭鼓瑟淵魚作聽按芭荀子作巴 又師曠
鼓清角有玄鶴二八自南方來集於廊門之危按史
記無之危二字又危韓非子作垓

卷六

禍虛篇才能不及中人刊本脫人字 又而廣不為後

人然終無尺寸之功刊本不下衍侯字寸訛土並据
史記改刪

龍虛篇龍之為蟲也柔刊本柔訛鳴据韓非子改又
昔有颺叔安刊本安訛宋据左傳改又予惟率夷
憐爾按夷憐今本尚書作肆矜

卷七

道虛篇顧見盧敖樊然下其臂按樊淮南子作慢
語增篇高祖又逃芒碭山澤中刊本訛作又逃吕后
于澤中据史記及漢書改

卷十

非韓篇狂譎華士二人昆弟也 按譎韓非子作喬

卷十三

超竒篇讀陸賈之書歎稱善左右呼萬歲 刊本脫善

左右呼四字据史記增

卷十四

寒溫篇舒恒燠若 按舒今本尚書作豫

卷十五

明雱篇比滂沱矣按比毛詩作俾 又時則物有間之

按物今本尚書作勿 又詠而饋詠歌饋祭也按饋
魯論作歸此與釋文所載鄭康成本同

卷十七

指瑞篇高宗問祖己 刊本已訛乙据尚書大傳改

卷十九

恢國篇王莽遣二公將三萬人戰於昆陽 按三萬漢
書作百萬

卷二十二

紀妖篇與百神遊於鈞天廣樂刊本廣訛靡 又配而

七世之孫刊本七訛十 又自簡子後七世至武靈
王刊本七訛十 又吳廣入其女娃嬴字孟姚刊本
廣訛慶女訛母娃訛姓字訛子並据史記改 又步
游下邳泗上按泗史記作圯

卷二十六

賈知篇還過吳從江乘渡 刊本脫吳字渡字据史記
增

卷二十九

對作篇聖人作經藝著傳記刊本著訛者 又桓君山

新論刊本君山二字互倒今並改

東原錄

宋龔鼎臣撰

青社有白門條則酈道元所謂南門者其理亦通
原本訛道字据魏書增

論語有子桑伯子條夫子何為見此人乎曰其質美而
無文 原本脫曰字又而下衍闕如也三字並据說
苑增刪

樊噲條後漢書郡國志濟陰郡宛句有煮棗城 原本郡
國訛地里据後漢書改

王氏談錄

不著撰人名氏

七言詩條古七言詩自漢末蓋出於史篇之體 原本
篇訛為按說郭作篇蓋謂史游急就篇今据改

辨藥條市中藥本多雜以威靈仙 原本靈仙二字互
倒据本草綱目改

元父城條阮籍有元父城賦 原本阮籍訛阮舊元訛
允並据阮步兵集及賦彙改

--	--	--	--	--	--	--	--	--

仇池筆記

宋蘇軾撰

卷上

酒名條酒有郢之富水春烏程之若下春 刊本脫二

春字据國史補增

東坡志林

宋蘇軾撰

卷六

蘇子得廢園于東坡之脅條不猶雪之在凹者乎刊本
凹下衍凸字 又升是堂者將見其不邈而儂刊本
不下衍邈字並据東坡集刪

卷十

玉川子條歲星主福德刊本主訛坐 又覆尸無衣巾
刊本尸訛口並据全唐詩改

卷十三

晉方技傳有韋虛者父母使守稻牛食之虛見而不驅
按方技晉書作藝術韋虛作幸靈

珩璜新論

宋孔平仲撰

或問符節條以旄牛尾為其旒 原本缺旒字据後書

書補

宋玉文豈能與之料天地之高哉 原本文訛賦今改

楊公筆錄

宋楊彥齡撰

王瓊妙于方物條取羯鼓打春光好一曲 原本好下

衍景字据羯鼓錄刪

股外謂之脾條眇覲目蔽垢也 原本覲訛覲据唐韻

改

蒼頡之古文條草書第二子玉章草入神原本二訛三

又子玉訛字玉並据南史及書斷改 又其流逸則

或俯頭搵水原本搵水訛搵木据國史補改

學者讀史條闕氏音焉支原本氏下衍者字又焉訛為

又龜茲讀如鳩慈狝氏讀如權精之類原本脫鳩
慈狝氏讀如六字並据漢書注刪改增

學者于字條寫作鵲尉作熨 原本寫訛鵲据說文改
余初任隰州司戶條北齊郎基 原本缺齊字据北齊
書補

呂氏雜記 宋呂希哲撰

卷上

胡安定先生自慶厯中教學于蘇湖間一條其初人未甚信服乃使其徒之已仕及早有世譽者盛之僑顧子敦臨吳元長攷輩分治職事案李燾續通鑑長編朋九萬烏臺詩案皆有知考城縣事盛僑又蘇轍樂城集有盛僑授國子司業告詞此書獨作盛之僑與諸書不同觀顧臨吳攷二人皆字與名連書則之字亦僑之字傳寫脫去上一字耳

福唐有陳烈季甫周希孟公闢鄭穆閔中陳襄述古窮
經苦節以古人相期故當時有四先生之號 原本
周希孟訛周孟據王偁東都事畧補

老子曰古之善為道者非以明民將以愚之 原本脫
下以字據老子補

伊尹之耕於有莘也說之築於傅巖也太公之釣於渭
水也其於天下非事事而究其利病也案此條亦見
程子遺書字句小異胡氏注云識者疑其間多非先
生語據此知此條本呂氏語而後儒訛入程子書者

明道元年一條紹興十二年十一月庚子命內使王晉錫作崇政垂拱二殿案此事王應麟玉海亦載之然考宋史及名臣言行錄希哲實卒於政和中安能下見紹興之事疑此條他書之文永樂大典誤標爲呂原明雜記也今姑存原本

太宗親飛白書以榜學士之廳事曰玉堂之院案翰苑全書載太宗所書乃玉堂之署四字此作院蓋治平以後避英宗之諱也

卷下

文靖公往嘗遊越州有詩曰賀家湖上天花寺一一軒
窗向水開 原本天花訛天章據陸游老學菴筆記
改

田宣簡公況為三司使時人目為照天蠟燭楊宣懿公
察繼其任譽不減田公人目之為水晶燈籠 案孔
平仲談苑以照天蠟燭為田錫水晶燈籠為劉隨與
此小異

翰林王狀元灝卅角時畢相士安令其屬對曰鸚鵡能
言爭似鳳灝應聲曰蜘蛛雖巧不如蠶 案蔡條西

清詩話邵伯溫聞見前錄皆以此為王禹偁事蓋傳聞之異也

正獻公守潁時趙康靖公槩自南京訪歐陽公於潁與公二人會燕於歐陽公第因名其堂曰會老按南京二字原本作宋今據王闢之澠水燕談蔡條西清詩話改

滎陽公嘗曰吾嘗夜而計過然自閒居來自省已頗無過事案呂氏子孫皆稱希哲為滎陽公不應著書以此自稱疑此條為呂氏他書之文永樂大典訛標

為呂原明雜記也

王韶既取熙河一條東坡自黃州歸路由金陵荆公見之大喜與之出遊 原本黃州訛廣州據東坡年譜改

鄧洵武本蔡卞所引元符末卞去位乃附蔡京韓李當國自右史移少常建中靖國六月洵武進一愛莫助之圖謂主上方紹述先志朝中無人助者 案宋史是時韓忠彥曾布為相此云韓李當國疑誤又案宋元通鑑載此事在建中靖國元年十一月此云六月

未詳孰是

劉庠彈歐陽修於英宗衰服下著緊絲花襖子白細文
麗密閃色鮮明衣於純吉之日已累素風服於大喪
之中尤傷禮教案緊絲花襖子名臣言行錄作紫
地皂衣緊綈袍與此微異

都城西南十五里有地名鑒糟陂土人惡之自易為好
草陂原本糟作遭按漢書霍去病傳注亦有此字
又程子遺書亦有鑒糟陂字今據改

冷齋夜話 宋釋惠洪撰

卷一

東坡夢銘紅靴條雲蒸雷起按雷漁隱叢話作霧又
百疊漪漪水皺案水志林及蘇詩補注俱作風

東坡南遷條世謂樂天有鬻駱馬放楊枝詞 刊本脫
馬字据東坡集增

盧橘條盧橘微黃尚帶酸 按微黃東坡集及諸本俱
作楊梅

東坡留題姜唐佐扇條朱崖從此破天荒 按蘇詩補

注作白袍端合破天荒與此異

換骨奪胎條舒王作與故人詩按王臨川詩集題作過外弟飲與此異又不知烏石岡邊路刊本岡訛江掘王荆公詩集李壁注改

采石渡鬼條大衆恐使人問其時公宿采石之夜按宋稗類鈔所引作一衆盡恐乃公宿采石之夜也無使人問其時五字

卷二

僧賦蒸豚詩條捕逐餘寇刊本逐訛還又有肉無蔬

公益奇之刊本益訛亦今並改

卷三

池塘春草條如謝東山喜見羊曇 刊本羊訛華据晉

書改

東坡美謫仙句語作讚條晚披雲夢澤按東坡集及志

林俱作朝披夢澤雲與此異 又西望太白橫峨岷

刊本西訛東据東坡集改 又作詩大笑君應聞按

大東坡集作一

卷四

王荆公東坡詩之妙條欲寄荒寒無善畫 刊本荒訛

歲据王臨川集及唐宋詩醇改

賈島詩條客舍并州三十霜按三全唐詩作已 又如

今更渡桑乾水按如今全唐詩作無端

卷五

詩置動靜意條江春入舊年 刊本舊訛暮据全唐詩

改

東坡屬對條予遊儋耳及見黎民表刊本脫表字据東

坡集增 又嚼齒穿齲刊本穿訛空据志林及宋稗

類鈔改

丁晉公和東坡詩條花非識面常含笑鳥不知名時自
呼按非東坡集作曾常含笑作香仍好知名作能
言時作名並與此異

卷六

東坡和惠諡詩條惟聞烟外鐘不見烟中寺幽人夜未
寢草露濕芒屨下按芒屨下東坡集尚有惟應山頭
月夜夜照來去此脫

卷七

般若了無刺語條非其筆端有舌 刊本脫有舌二字

据蘇詩補注及山谷全集增

卷九

三十六計條紹聖初曾子宣在西府刊本聖訛興据宋
史改 又予與奴楊照追逐二相公廟刊本與訛為
据宋稗類鈔改

曲洧舊聞 宋朱弁撰

卷一

真宗皇帝條李文靖真聖人也 原本闕真聖人也四

字招宋史補

卷三

語兒梨條鄭州郭祖嵩陵旁廕此甚多 原本嵩訛蒙

括五代史改

卷五

晁端稟條少以知人則百僚任職賦為開封府解頭

原本脫賦字今增

卷九

孔瑜條嘗知蔡州 原本蔡州二字互倒今改

懶真子

宋馬永卿撰

卷二

隴石詩條搏埴之工陶旒

刊本搏埴訛埴填据周禮

改

卷三

陳待制條我得邑金是以知為縣令也

刊本金訛令

据莊子改

卷四

紫慎微條九月僑如以夫人婦姜氏至自齊 刊本婦

訛歸据春秋改

石林燕語

宋葉夢得撰

宇文紹奕考異

卷一

崇政殿條今乘輿行幸最近駕前所持玉斧是也 原
本持訛獨按獨字見周禮乃刺取之義無作攜持解
者據稗海改

故事宰相食邑滿萬戶始開國賈文元以佐平貝州功
特封安國公其後以武勝軍節度使入為祥源觀使
原本貝訛具據宋史本傳改又按本傳賈昌朝除
武勝軍節度使同平章事判大名兼北京留守尋以

討貝州賊有功移山南東道節度使並無封安國公
之文其後歷封許魏二國亦未嘗封安國至入為祥
源觀使則在判鄭州入覲時非自武勝軍節度使也
此條與本傳互異

卷二

集賢院學士條考異集賢院學士錢若水陳恕郭贇皆
自前執政除非獨吳正肅也 原本陳恕訛除恐按
宋史列傳自執政除集賢院學士者吳育錢若水郭
贇外尚有陳恕一人今据改

唐有翰林侍書條太祖平蜀王著蜀人善書 原本太祖訛太宗按宋史太祖本紀平蜀孟昶乃太祖乾德三年事今据改

卷四

唐自明皇以誕日為千秋節條 按新舊唐書及唐會要載唐諸帝誕日節名僖宗為應天節昭宗為嘉會節哀帝為乾和節懿宗亦置延慶節此本以僖宗為嘉會昭宗為乾和而稱懿宗不置節蓋夢得記錄之誤今姑仍原文

熙寧初改經義條邵剛魁得次徐鐸榜原本鐸訛驛考
宋史本傳及文獻通考俱作鐸今据改 又李常寧
畢漸李釜按李釜文獻通考作李釜咸淳毘陵志作
李釜諸本互異而其人不見於史無可折衷今仍原
本

元豐既新官制條其墜壁屏下悉用重布不紕糊 按
墜壁二字據此書第二卷內俱作照壁獨此處作墜
字按說文墜字訓云耕以畝浚出下壚土也無對照
之義葉氏用此字疑出好奇之過今姑仍原文

卷五

唐人記張延賞妻條本朝韓忠獻億夫人王魏公女忠獻參知政事雖不為相而康公玉汝皆游登相位持國又為門下侍郎原本皆字下有脫文考宋史韓絳傳絳於熙寧三年十二月拜同中書門下平章事昭文館大學士韓縝傳哲宗初立拜縝尚書右僕射兼中書侍郎二人皆嘗為相原本蓋脫去官位遂致文義不屬今据史文增入

司空圖條至如表聖蓋義不仕全忠者原本至訛知

据稗海本改

舊制學士以上賜御仙花帶而不佩魚 按御第三卷
內作遇御遇二字前後互異考此帶之制始於宋太
宗時歐陽修歸田錄載之作御仙花而徐度却掃編
又作遇仙花蓋宋人紀載本有錯互未知孰是今俱
仍原文

堯稱陶唐氏條秦本欲稱秦皇既去秦號稱皇帝 原
本泰訛秦稗海本亦同据史記秦始皇本紀改

卷七

故事在京職事官條時邢尚書恕以河南府永安縣主簿首為崇文院校書胡右丞愈知諫院猶以為太遽按宋史列傳無胡愈惟胡宗愈在神宗時嘗同知諫院與邢恕同時原本疑脫宗字但邢恕傳止言諫官論之而不著其名無可參考今姑仍原本

蘇相子容為南京察推 原本南訛兩据稗海本改

卷八

國初以供奉官條合宗室八百七十 原本合訛禧据稗海本改

元昊叛條男邦面令國兀卒郎霄 原本男訛南按宋
史夏國傳作男邦泥定國兀卒曩霄又按龐籍傳云
稱男不稱臣籍不敢從則南字當作男今据改至其
文彼此互異則當時音譯之誤今姑仍原文

賈文元為崇政殿說書條考異 呂公著傳求嘗秩皆為
天章閣侍講 原本求訛下按宋史列傳無傳下惟
傳求曾為天章閣侍講今据改

國朝宰相條元祐九年呂大防罷章惇相七年罷 按
宋史宰輔年表章惇以紹聖元年甲戌入相元符三

年庚辰罷前後凡七年原本元祐九年句應在紹聖
元年七年罷句應作元符三年罷方為清晰原本文
義未明

卷九

慶厯中契丹遣蕭英劉六符來求取闕南北地原本地
訛路据裨海本改 又偏裨皆請斬之原本偏訛則
今改

卷十

蘇魏公為宰相條呂微仲語蘇可見上辨之 原本脫

語字据稗海本改

前輩多知人條夏文莊公知蘄州 按宋史夏竦傳竦
歷知黃鄧襄壽安洪潁涇鄜蔡毫等州並無知蘄州
之文或本傳脫畧或此書原本有誤今姑仍原文
宋元憲公嘗問蘇魏公 原本脫憲字考宋史列傳宋
庠謚元憲問蘇魏公云云係庠事今据增

避暑錄話

宋葉夢得撰

卷上

楊子雲言谷口鄭子真條所謂汪汪若萬頃陂者非郭
林宗無以知之 刊本陂訛波据後漢書改

老子莊列之言條若本未嘗有物則不待齊而與道適
無往而不逍遙矣 刊本本訛物道適訛適則今改
陸機以齊王問矜功自伐作豪士賦刺之條如君子盧
毓盧珽 刊本珽訛珽据晉書改

張景修條謝人惠油衣云何妨包裹如風籜且免淋漓

似水雞 刊本籀訛樂今改

卷下

李翱習之論山居條柏奇峻堅瘦似李元禮 刊本禮

訛膺据後漢書改

本朝大樂條燕樂律亦高歌者每苦其難繼 刊本律

訛例据宋史改

蘇子瞻條他日神遊定何所桐鄉知葬浙江西 刊本

知葬訛應在据東坡詩集改

却掃編 宋徐度撰

卷中

唐制禮部郎官條又就遷學士仍領辭不受 按仍領
下津逮秘書有此職二字



欽定四庫全書考證

子部

卷五十四

之五十五

纂修官候補司業臣王太岳

謄錄拔貢生

臣曹錫寶

臣李普元

欽定四庫全書考證

卷五十四

子部

紫微雜說

墨莊漫錄

寓簡

雲麓漫抄

遊宦紀聞

老學庵筆記

愧郊錄

鶴林玉露

脚氣集

齊東野語

困學齋雜錄

湛淵靜語

日聞錄

雪履齋筆記

胡文穆雜著

調言長語

震澤長語

畫禪室隨筆

六研齋筆記

六研齋二筆

六研齋三筆

春明夢餘錄

負暄野錄

格古要論

意林

紫微雜說

宋呂本中撰

左氏膏肓條盡用春秋感精符之類為證原本春秋訛
作漢書案春秋感精符緯書名今據後漢書樊英傳
注改

墨莊漫錄

宋張邦基撰

卷一

退之詩風能拆艾莆露亦染黎腮刊本拆艾訛折黃據
韓愈集改

世傳宗室中條見釘鉸者刊本鉸訛校據玉篇改
卷二

仁宗嘗問孝肅包公條唐初戶不滿三百刊本三訛一
據唐書及文獻通考改

唐暨條惟餘憂我念刊本餘訛余據宋詩紀事改

卷三

秦少游侍兒朝華條資以金帛而嫁之刊本資訛貧據

宋詩紀事改

崔鶯條起為右正言刊本右訛左據宋史改

卷五

胡世將成公為中書舍人條宣撫尚書注取常輸字同

音刊本常輸訛尚書據稗海改

翟三丈公異條期子早登躡同舍校魯魚刊本闕同字

又魯訛曾並據宋詩紀事補改

唐人詩刊本闕唐字據稗海補

世謂子瞻詩條却隨倦鴉歸薄暮刊本薄暮訛隣春據
王安石集改

杜子美有憶鄭南坻詩瀟洒到江心刊本江訛天據杜
甫集改

卷六

論書條書至隸興大篆古法大壞矣刊本興訛與據志
林改

字要骨格條變態貴形不貴苦刊本上貴字訛真據志

林改

宋景文公詩魴甘抑鮓天崇魴甘芥隱筆記作鱸香

揚州呂吉甫觀文宅條龍象界中成寶蓋刊本象訛篆

據全唐詩改 又相公庭下蔚相差崇相公宋詩紀

事作勢分

卷八

熙寧五年條叩以來事刊本叩訛即據稗海改

飲席刻木為人條傳籌向羽催案向宋詩紀事作白

卷九

華亭縣有寒穴泉條神泉冽冰霜刊本泉訛震據王安
石集改

卷十

曲轅先生條明遠遠浮圖刊本圖訛面 又陳氏後求
鈇故衣刊本鈇訛代並據稗海改

張侍禁筆甚佳條由妙之極遂至於神刊本至於二字
互倒據稗海改

寓簡

宋沈作誥撰

卷一

詩之作也條託興于山川草木原本託說說今改

卷十

草木之最香者條薰陸鬱金原本金訛顏今改

予官維揚條縱未朽腐而花力盡矣原本力盡二字互

倒今改

雲麓漫鈔

宋趙彥衛撰

卷三

龜策傳有鄉呈兆條首仰足胗原本胗訛鈐據史記改

卷十

杜少陵故衛將軍挽詞條神速至今稱原本神訛人據

杜甫集改

游宦紀聞

宋張世南撰

卷七

沅芷菰溪硯條有絳帖平二十卷恨未之見也刊本平
訛評據書畫譜改

己丑孟秋訪一親舊條刀卻刃授穎削授拊刊本脫刀
穎削授四字據禮記增

老學庵筆記

宋陸游撰

卷一

予在南鄭見西陲俚俗刊本陞訛郵今改

卷三

張達明條人生當為五馬貴刊本脫當字今增

孔安國尚書序言為隸古定刊本為訛無據書序改

卷四

唐拾遺耿漳刊本漳訛緯今唐詩改

愧鄭錄

宋岳珂撰

卷五

齊酒廢革條著為上實以沈齊刊本著訛蓋據開元禮
改

卷六

卒簡穆謚條太子太師謚文正刊本正訛獻據宋史改
卷七

官品名意之訛條魏延康元年二月案魏志十一月始
受禪改元黃初則二月猶宜稱漢附識

散階勲官條凡十六等為散號將軍以加汎授刊本汎授訛檢校 又軍為散號官刊本為訛無並據隋志改 又李晟以復興元勲刊本興訛復據唐書改

卷十

同二品條開府是從一品僕射是從二品刊本開下衍封字據宋史刪

卷十二

文武服帶之制條獨以一賜曹武惠彬刊本惠訛穆據宋史改

鶴林玉露

宋羅大經撰

卷十二

胡澹庵條蘇子卿噉雪啗醢蹈背出血原本背血二字
互倒據漢書改

卷十三

宋壽皇條龍聽以角不以耳刊本不以訛不可據山海
經改

脚氣集

宋車若水撰

唐明皇條不聞夏殷衰中自誅褒姒原本自訛有據杜

甫集改

齊東野語

宋周密撰

卷三

誅韓本末條平生只說樓攻媿此媿終身不可攻刊本媿並訛魏據稗海改

卷四

避諱條以嘉禾為嘉興刊本嘉禾訛和興據稗海及方輿紀要改

卷七

朱氏陰德條服子或即著萍洲可談者刊本可訛竒今

改

卷十二

姜堯章條以為子文無所不工刊本子訛於據白石集
改

卷十五

玉照堂梅品花榮寵注凡六條刊本脫凡六條三字據
稗海補

困學齋雜錄

元鮮于樞撰

閒閒宿三草寺詩云何年覲佛月天子各以寶華樓閣
居紫元好問中州集載此題作三學院對月與此異
又月字難解考中州集及趙秉文滏水集並缺此字
今姑仍其舊

張介字介夫原本脫張字據中州集增
內翰鹿菴先生王磐原本翰訛朝今改
右軍快雪時晴帖原本帖訛圖今改

湛淵靜語

元白珽撰

卷一

六經分章斷句之難條詩簡兮篇有力如虎原本簡兮
訛旄丘今改

或謂皇甫湜條亭曰回漣原本回訛徊據廣川書跋改
卷二

使燕日錄條復西入丹鳳門原本西入訛四八今改

日聞錄 元李昉撰

南史有一隱士多遊王門或譏之答曰諸君以為朱門
貧道如遊蓬戶案朱門蓬戶二句乃世說載支道林
語此作南史誤

劉孝威詩金鋪玉鎖琉璃扉花鈿寶鏡織成衣案孝威
此詩玉臺新咏作青鋪綠瑣琉璃扉瓊筵玉筍金縷
衣文苑英華二百五卷所載作青鋪瑣窓琉璃扉瓊
筵玉筍金縷衣其二百三卷所載則與此同蓋各據
所見之本也

張衡曰日光不照謂之闇虛闇虛逢日則日蝕值星則星亡案闇虛蝕月不蝕星星亡之說今法已駁正其誤此尚仍舊說

因道家謂崑崙山高二千五百里日月常相隱避以為光明遂推廣而為日月循環須彌山照臨四世界案崑崙山日月所相隱避為光明語本史記此作道家言誤又血與肉柔者也尚變而為金之剛齒與骨剛者何反不併變為金乃以常人之齒骨來中國為羚羊角一扣而碎其人無以對案通鑑傳奕以羚羊

羊角所破者金剛石此未詳考

雪履齋筆記

元郭翼撰

宋制屠牛之禁甚嚴條躬效屠坦之業原本坦訛垣據
漢書改

人臣事君條僖公五年冬書晉人執虞公原本五訛六
冬訛春據春秋改

胡文穆雜著

明胡廣撰

周禮考疑條漢諸儒博覽者惟鄭康成原本諸訛書今
改

調言長語

明曹安撰

先見一人之所難條泰始中兵亂宋主問蔡興宗原本
脫宗字據宋書增

震澤長語

明王鏊撰

卷上

史載舜南巡條職方氏形方氏遘師之屬原本遘訛述

又它如莽草以薰蠹魚原本莽草二字互倒並據周

禮改

唐初職事官條或以大將軍告身只易一醉原本脫軍

字據通鑑增

卷下

宣和書譜條然則唐之所謂八分非古所謂八分也原

本則下衍所字今刪

畫禪室隨筆

明董其昌撰

卷一

楊景度書既得平正須追險絕刊本平正二字互倒據
書譜改

跋臨女史箴據孫過庭書譜刊本庭下衍讀字據書譜
刪

卷二

濠梁秋思圖城隅綠水明秋日海上青山隔暮雲刊本
日訛月據全唐詩改

卷三

評詩東坡云詩人有寫物之工刊本云詩二字互倒今改

卷四

雜言吾兄和仲塞剛立柔刊本仲訛抑又塞字訛在柔字下並據顏濱集改

楚中隨筆廢遼王宮以廣第宅刊本脫宮字今增

六研齋筆記

明李日華撰

卷二

陳無已條朱或可談云刊本或訛或據說郭改

梅花在疎林秀石邊條陶元亮遠社聞鐘刊本社訛社
據高僧傳改

卷三

宋宣和三年條方臘將七佛者引衆十萬攻秀州刊本
臘訛獵州訛川並據宋史改

六研齋二筆

卷二

發赤松溪條黃初平叱羊處刊本黃訛皇據神仙傳改
唐時節度使入境條秋曰白藏刊本白訛曰據爾雅改
漢武內傳條左乙混訛東蒙之文右庚素收攝殺之律
刊本訛洞收訛招 又壬癸六遯刊本遯訛遠
又丙丁入水赤班符刊本水訛泰 又六辛入金刊
本辛金二字互倒並據漢武內傳改

卷四

薩天錫嘗有詩送訢笑隱住龍翔寺云刊本訢訢所翔

訢鳳並據元詩選改

六研齋三筆

卷一

李龍眠山莊圖條李思訓刊本思訛師據圖繪寶鑑改

卷四

自昔仕進之士條所謂敲湖柳浪菜萸汧刊本敲訛歌
汧訛派並據王維集改

春明夢餘錄

吏部左侍郎孫承澤撰

卷一

唐武德六年建營州於薊刊本唐武德六年訛作東唐
二字據天府廣記改

卷三十

都督都揮押等官條左封印右封印皆見於張紱雲南
機務抄黃刊本統訛統據明史藝文志改

卷三十七

永樂元年三月條衛河南距黃河陸路纔五十餘里刊

本距訛踞今改

卷四十

編修趙士春扶名教疏南京御史成勇刊本京訛道據
明史改

卷五十四

初建國學條其勲戚習讀昉自洪武初刊本自訛如今
改

卷六十六

都人米萬鍾水齋禪詩傳然一指灸背八十一炷如華

嚴卷數刊本脫嚴字今增

負暄野錄

不著撰人名氏

卷上

總論古今石刻余於武陵郡開元寺原本郡訛都據一
統志改

古碑毀壞條趙明誠謂所著金石錄原本明誠訛德麟
今改

小王書條黃長睿書志原本缺書字據文獻通考補
卷下

春膏紙詩劉薛何時眼中見原本劉訛流據上文改

論硯材條四曰金星原本脫星字據本文增

格古要論

明曹昭撰

卷上

士夫畫條舜舉答曰隸家畫也原本隸訛戾據書畫舫
改

王維畫條王維畫得興處不問四時原本脫不字據書
畫舫增

李思訓畫條嘗作金碧陣圖原本碧訛壁據書畫舫改
馬遠畫條或絕壁直下而不見其脚原本脚訛御據書
畫舫改

蘭亭帖條其定武本薛向師正別刻石易去大觀中於薛
向家取入禁中原本向訛珣又脫正字又大觀訛
宣和案宋史薛向字師正子紹彭中子嗣昌又格致
鏡原載何子楚蘭亭帖跋語云薛師正收定武本求
者沓至乃刊別本于外以惠求者其子紹彭又模之
他石潛易原刻大觀中詔取此石於薛氏家其子嗣
昌納進御府據此則別刻定武本及納入禁中者為
薛向父子無疑今並改增

卷中

石留子條出南蕃類瑪瑙原本脫類字據格致鏡原增
鋪絨線原本線訛緣據格致鏡原改

意林

唐馬總撰

卷一

晏子條公曰善吾不食詔人之言也原本吾訛無據晏子改

文子條智者心之府原本者訛則據文子改

卷四

風俗通條越王時民生二子與之餽原本餽訛餘據風俗通及國語改

抱朴子條漢中起居注案漢字下抱朴子有禁字又

以蟻鼻之缺捐無價之淳鈎原本捐訛損鈎訛鈎並
據抱朴子增改 又湯師蜘蛛而結網案湯抱朴子
作太昊